



PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	Berita Harian
Date	13/2/2012



ROSMAH menerima Ijazah Doktor Kehormat (Persuratan) daripada Jim Gill pada majlis konvokesyen Universiti Curtin di Perth, kelmarin.

Rosmah terima ijazah Doktor Kehormat Persuratan

PERTH: Datin Seri Rosmah Mansor dianugerahi ijazah Doktor Kehormat Persuratan daripada Universiti Curtin, Australia sebagai mengiktiraf daya usahanya dalam pembangunan pendidikan, terutama pendidikan kanak-kanak menerusi program Permata Negara.

Canselor Universiti Curtin, Dr Jim Gill menyampaikan ijazah doktor kehormat itu kepada Rosmah pada majlis konvokesyen universiti itu di sini, kelmarin.

Turut hadir, Perdana Menteri Datuk Seri Najib Razak, Menteri Luar Datuk Seri Anifah Aman, Pesuruhjaya Tinggi Malaysia ke Australia, Datuk Salman Ahmad serta Konsul Jeneral Malaysia di Perth Hamidah Ashari.

Pada majlis itu, lebih 500 graduan universiti itu, termasuk beberapa pelajar Malaysia, menerima ijazah masing-masing.

Sementara itu, Rosmah dalam

ucapan penerimaannya, melahirkan penghargaan terhadap Anggota Majlis universiti itu bagi penganugerahan ijazah itu.

Menekankan mengenai pentingnya pendidikan awal, Rosmah berkata banyak gejala sosial dapat dibendung apabila peluang pendidikan diberi kepada semua, termasuk di kawasan luar bandar dan juga golongan miskin di bandar.

Katanya, apabila kanak-kanak dipersiapkan daripada peringkat awal lagi, mereka akan dapat membuat penyesuaian dari segi mental, emosi dan psikologi dalam menentukan apa yang terbaik untuk diri mereka apabila sampai ke peringkat pengajian tinggi.

"Sudah terbukti tahun pembentukan awal seorang kanak-kanak itu hingga sekurang-kurangnya berumur lima tahun adalah amat penting untuk menentukan keupayaannya untuk berjaya kemudian dalam kehidupan," katanya.